



## CONCELLO DA BAÑA

Praza do Concello, s/n  
15863 A Baña (A Coruña)  
Tels.: 981 886 501 / 981 886 516  
Fax: 981 886 616  
[correo@concellodabana.gal](mailto:correo@concellodabana.gal)  
[www.concellodabana.gal](http://www.concellodabana.gal)

# ENTROIDO 2026 CONCELLO DA BAÑA

## Bases do Concurso de disfraces

O Concello da Baña organiza o 21 de febreiro do 2026 o Concurso de disfraces de Entroido, que se rexerá polas seguintes bases:

- I. As persoas participantes deberán anotarse como data máxima o venres 13 de febreiro. O formulario de inscrición pode presentarse telematicamente a través da [sede electrónica do Concello da Baña](#) ou presencialmente no Rexistro Xeral.
- II. As persoas participantes menores de idade achegarán unha autorización de participación asinada pola nai, pai ou titor/a.
- III. O concurso celebrarase o sábado 21 de febreiro, a partir das 16:30 horas, nas rúas Castela e Tedelle.
- IV. O tempo máximo de exposición e actuación diante do xurado será de 3 minutos.
- V. A orde no desfile dos/as participantes asignarase segundo o criterio da organización.
- VI. Outorgaranse premios polas seguintes categorías:

CATEGORÍAS	1ºPREMIO	2ºPREMIO	3º PREMIO
CARROZA	900€	400€	150€
COMPARSA	900€	400€	150€
GRUPO	150€	100€	
INDIVIDUAL ADULTO	100€		
INDIVIDUAL INFANTIL	100€		
PREMIO PARTICIPACIÓN LOCAL	150€		

- VII. Os grupos estarán formados por un mínimo de 2 e un máximo de 6 persoas para poder participar e representarán todas un mesmo motivo. Deben designar a un voceiro/a que represente á formación.
- VIII. No premio de participación local poden competir comparsas e grupos, sendo requisito indispensable que o 75% dos/das seus/súas membros sexan veciños/as da Baña. Premio non acumulable con outros premios de grupos e/ou comparsa.
- IX. As comparsas terán polo menos 7 membros para poder participar e representarán todos e todas un mesmo motivo. Deben designar a un voceiro/a que represente á formación.
- X. As carrozas contarán cun mínimo de 7 persoas, e todas elas, ou unha parte, terán que desfilar enriba dun móbil. Deben designar a un voceiro/a.
- XI. As persoas participantes soamente o poderán facer nunha única categoría. As únicas categorías susceptibles de participar en varias á vez serán carroza e comparsa, sempre e cando respecten as indicacións expresadas para cada categoría.
- XII. A selección das gañadores realizarase por proposta dun xurado composto por persoas alleas à organización.
- XIII. Durante o desenvolvemento do desfile, o xurado valorará:
- Comparsas, carrozas e grupos:
    - Vestuario e maquillaxe (traballo feito a man e emprego de materiais de refugallo): 1 a 5 puntos
    - Orixinalidade: 1 a 5 puntos
    - Posta en escena: 1 a 5 puntos
    - Involucrar ao público: 1 a 5 puntos
  - Disfrace individual :
    - Vestuario e maquillaxe (traballo feito a man e emprego de materiais de refugallo): 1 a 5 puntos
    - Orixinalidade: 1 a 5 puntos
    - Posta en escena: 1 a 5 puntos
    - Involucrar ao público: 1 a 5 puntos
- XIV. O Concello da Baña resérvase o dereito para a captación e difusión das imaxes do concurso para fins de publicidade e promoción en prensa, na páxina web e redes sociais municipais. A utilización das fotos e vídeos estará suxeita exclusivamente a un uso informativo nunca comercial. Coa realización da inscrición o participante admite que o organizador, poida facer uso da imaxe de todos os participantes en calquera formato xa sexa gráfico ou dixital e en todas as súas formas. Todos os dereitos de imaxe pertencen ao organizador (Concello da Baña).
- XV. O Concello da Baña solicitará un número de conta ós representantes dos concursantes ou persoas que resulten gañadores dalgunha categoría co fin de

efectuar o pago do premio.

XVI. Os premios que puideran outorgarse, tanto a persoas físicas participantes a título individual como as integrantes dunha entidade do artigo 8.3 da Ley do Imposto, estarán suxeitos a retención a conta do Imposto sobre a Renda das Persoas Físicas ó tipo do 19 por cento, sempre que a súa base de retención sexa superior a 300 euros, tal como resulta do disposto no 101.7 da mesma lei e nos artigos 75 e 99 do seu Regulamento, aprobado polo real Decreto 439/2007, do 30 de marzo.

XVII. A decisión do xurado é inapelable.

XVIII. A participación no concurso supón a aceptación destas bases.

XIX. En caso de condicións meteorolóxicas adversas que impidan que se celebre o desfile no exterior (será o Concello da Baña quen valore se as condicións ambientais son as axeitadas para garantir a seguridade da celebración do mesmo), trasladarase ao pavillón municipal de San Vicente a celebración do Entroido.

De darse esta circunstancia, non poderán participar as carrozas quedando esta categoría deserta.

En canto as comparsas poderán actuar diante do xurado como moito 20 membros de cada comparsa, adaptándose ao espazo dispoñible no pavillón. Deberan facilitar á organización un pendrive coa peza musical que sirva de base a dita actuación ou de ser posible poderán usar os seus equipos de son.

Non poderán acceder ao interior do pavillón vehículos a motor nin de gran tamaño.

XX. O Concello da Baña reserva o dereito a modificar ditas bases, sempre que sexa necesario e mediante a oportuna publicación oficial.